

中國方志叢書·華北地方·第五四六號

據

清乾隆三十一年刊本
清吳炳纂輯

影印

陝西 省

隴州續志

(二)

成文出版社有限公司印行

中國方志叢書·華北地方·第五四六號

據

清乾隆三十一年
吳炳纂輯
本

影印

陝西 省

隴州續志

(二)

成文出版社有限公司印行

隴州續志卷之七

隴州知州南豐吳炯纂輯

人物志

鄉賢
方伎

孝義
流寓

列女

嗚呼名之於人蓋甚重哉太上立德其次立功其次立
言君子疾歿世而無名人歿古之烜耀史冊者多出於
道德文章節義然而司事者或以殯獻之紀錄或以子
孫之家乘輿而錄之於書名乃不朽於後隴雖僻壤一
鄉之善蓋亦有人而身死未幾宗族閭閻皆不能舉其
名於主縣十年後不復知其爲誰以此然也祁邑乘

多自紀載而後爲之傳記是故仇志人文多豐滋滋靡
持其善欲長之善竟無善而起而削之者甚矣然之不好
者也今於節婦外參以輿論節取一二續前志之末以
以示勸云爾次人物

鄉賢

周欽字子明正德戊辰進士選吏科給事中嘗抗疏
殺皇帝視朝封駁不避權貴同列彈劾諸疏多出其
手當道忌之遷河南兵備嘗挫馘武侯入陳國爲九
曲新書刊布以訓戰士募義勇修城塹議錄聯遠近
特以爲安羅山勢豪張輔殺其妾及妾母妾母之族
訟諸官輔反誣以他事陷獄死欽廉其狀執輔抵死
信陽貧富兩氏爭田里中二惡少素怨富民誘富者
殺之旋又殺貧者誣其守謂自相殺欽按之具得情

狀斬之以殉劉學恒者汝寧太監也屢捕不獲歟出

奇計執之論死其黨百人悉解散遠近駭服

通志

劉波字澄源受業於馮仲好有學行由貢生爲蓋屋訓

導日與諸生講學不輟或有言非其時者波曰吾以

盡吾職他何計焉諸生益信從之

通志

炳按舊志人物內未載閭欽選舉舉人條祇書戶部

主事其歷官所至俱缺而不書未審何故通志列入

廉龍原本

國初賈志其宦途建監卓卓如此劉波見馮少墟文

通志列入名宦州志人物俱遺之隴上大夫將領以
道其責乎今取原傳補入庶先達遺徽不至湮沒不
彰也矣

孝義

攷范蔚宗後漢書有獨行傳歐陽永叔五代史有一
行傳凡士之修於家名於鄉者皆得紀載以示勸今
倣其例附載孝義三人雖未經上游入告

綽旌揚而衆論允孚備列事蹟固以維持世教亦國人
皆曰可之意也

周奉字昭陽麻坊里人廩生孝友端方嘗笑不苟學問
尤該洽以授徒爲業隴知名之士皆出其門生平不
與外事學正惠子諒詳報優行學院濬以敦品力學

區額旌其門屢試不偶後隱於蒲峪川閉戶讀書意
澹如也所著有易知錄復齋心課大學述旨諸書
郭肯堂甘泉里人附學生事父母以孝聞母病癱臥三
年不起晝夜侍側凡浼便污穢必親手經理醫言探
病深淺必嘗糞甘苦肯堂屢嘗之不以爲難及父母
歿支離苦塊囚首垢面不如輩不寢兩者三年乾隆
十六年紳士舉報孝行經署知州劉慶昭通詳因制
府黃駁收詳文註語中止未行惜哉

張文元字奎夫稠桑里人附學生康熙時吳逆餘孽盤

踞牛頭山 大兵進討賊據險屢攻不克文元獻策
引兵從吳山溝直入牛頭山蹙後劫其營破之賊平
檄取効用以年老辭至今鄉人猶能道之

炳按舊志人物內載長孫無忌攷唐史后妃傳長孫
皇后河南洛陽人無忌卽皇后之兄何因別爲隴州
人況無忌旣屬隴產則妃艾氏條內應首列文德皇
后矣何又遺而不載豈兄妹可分爲二地耶總之介
在疑似者或當盡存以俟攷無忌爲洛陽人萬無疑
義隴志內決宜削去者也

列女 按崇禎五十二年以前
者舊志已載茲不重錄

鄭氏生員徐良翰妻夫歿氏年二十九歲哀毀踰體哭
泣頓絕者數次良翰有孝行其歿也父母痛甚氏繼
夫志以事舅姑甘旨竭誠祭養盡慎家有專產以助
績所蓄早完正課教子慈不掩義守節五十年雍正

二年旌表 見通志

孫氏張宏相妻夫歿氏年二十八歲痛哭流血雙目幾

失明截髮自誓撫孤子成立守節三十一年乾隆三

年旌表

閻氏劉從學妻夫歿氏年二十一歲家貧甚氏水霜
操翁目失明姑復病紡績奉養不懈無子翁姑歿時
遺叔五歲撫養成人守節三十四年乾隆十一年
表

閻氏廩生胡繼宗妻夫歿氏年二十九歲上有七旬
姑遺一子方九歲氏自誓奉姑養子後子年十八
歿孫甫生氏殯葬孀姑撫孫長大艱辛備嘗守節四
十四年乾隆二十一年旌表

馬氏趙宗哲妻夫歿氏年一十九歲痛哭欲以身殉姑

以氏身有孕止之適腹生一子慰勉養兒進京
守節四十一年乾隆二十四年旌表

陳氏生員閻永元妻夫歿氏年二十一歲翁姑以氏年
幼令改適氏跪泣曰婦人從一而終寧違嚴命不敢
夫節遂紡績自給教子以義守節四十九年乾隆二
十五年旌表

趙氏生員嚴淑澤妻夫歿氏年二十七歲截髮毀容布
蔬食勤紡績以事翁姑家貧如洗處之怡然教諸
子克自成立親族咸敬之守節四十一年乾隆二十

九年旌表

侯氏嚴可倉妻夫歿氏年一十八歲青年矢志不踰門
戶者數十年撫繼子如親生人或獎其貞節氏若爲
不知者然守節三十四年乾隆二十九年旌表

聞氏吏員張爵妻夫歿氏年一十八歲日夜痛哭不食
送葬以頭觸棺血流滿面見者莫不哀之撫繼子無
異親生克底成立守節三十四年乾隆三十年旌
表

以上
告節

曹直妻夫歿氏年二十四歲守節三十九年乾隆

十六年題請給匾

趙氏尹奉德妻夫歿氏年一十九歲守節三十五年乾

隆十六年題請給匾

趙氏郭衛邦妻夫歿氏年二十八歲守節三十二年乾

隆十六年題請給匾

趙氏馬志達妻夫歿氏年一十八歲守節三十二年乾

隆十八年題請給匾

以上
循分

王氏郭大治妻夫歿氏年二十三歲守節三十九年乾

隆三十一年舉報候詳請旌

韓人沈煥妻夫歿氏年一十七歲守節三十二年乾隆
十六年詳報學院吳給與匾額

趙氏李天奉妻夫歿氏年二十二歲守節三十八年乾
隆九年本州洪維松給與匾額

炳按貞節與貞烈冰操足尙一也然激於強暴捐軀
一時之死靡他有不暇他計者至若熒熒弱質青春
矢志中歷數十年或爲富貴貧賤所挫或爲翁姑親
黨所迫而卒之白首同歸矚然不滓較義憤當時瞬
息畢命者爲尤難矣是故旌揚之典特重誌乘採擇

亦視曾邀 旌典與否以定去取然窮鄉僻壤客有
限於時地幽貞無從表著者其爲缺陷豈特一身一
家之故實有默與化源相關者州牧以化民成俗爲
職未敢任聽湮沒附列二人於受旌諸氏之後略示
闡揚特以樹之風聲也云爾